

# DIDZA' BSÖLĒ'Ē PABLO QUEĒBI' BI'I TITO

**Pablo rugapë' Dios bi'i Tito**

**1** Neda', Pablo, naca' huen dxin queë' Dios len gbaz nasölë'ë Jesucristo. Bsölë'ë neda' quië guna' ga la'yëjlë' Cristo bunách chgröczë' Dios, quië luúnbë' le nac gdutë li ca ral-la' gun nu nunbë' Dios. <sup>2</sup>Cni naca' le runa' löz uzi'a xbey yöl-la' na'bán gdu le gzxi' lu në'ë Dios gunnë' queëru' dza ni'të, cati' zi'a gzu lau rata' yúgu'të le dë, ati' runczë' Lë' le rzi' lu në'ë gunë'. <sup>3</sup>Cati' bdxin dza qui, Dios bulu'ë lahui xtidzë'ë, le glu'ë lu na'a guna' lban qui. Cni gna bé'inë' neda' Dios, Nu buslá rë'u. <sup>4</sup>Rugapa' Dios li', bócha'adau' Tito, nacu' gdu zxi'ncza' le nac tuz ca réjlë'ru' Cristo. Rnaba' lahuë' Dios Xuz len lahuë' Xanru' Jesucristo Nu buslá rë'u, uzá' ladxë'ë quiu' len huechi' ladxë'ë li', len gunë' ga soa dxi icj ládxi'da'u.

**Dxin queë' Cristo runbi'  
bi'i Tito luyú Creta**

<sup>5</sup>Qui lë ni na' buca'na' li' luyú Creta, quië gsa'u le ryadzj quegac bunách queë' Cristo nacua' ni', quië lacquë' gdu bunách queë' Cristo, len quië ucú'u-quë' yúgu'të yöd

bönni' gul lun chi'ë bunách queë' Cristo nacua' tu tu yöd

<sup>6</sup>Bönni' gul na' run chi'ë bunách queë' Cristo ral-la' gaquë' bönni' nutu nu bi gac gnë queë', len zoa tuznu ngul queë'. Yugu' zxi'në' ral-la' la'yëjlë'bi' Cristo, len cuzóa nu gac gnë quecbi' ta'dá dzagzbi' ca', o ta'dá'baga'bi' xuz xna'cbi'. <sup>7</sup>Bönni' run chi'ë bunách queë' Cristo run bayúdx gaquë' bönni' curunë' le güi' latj nu bi gnë queë' ca runë' xchinë' Dios. Cutu ral-la' gaquë' bönni' zid o bönni' icj dza'a o bönni' ri'jë', o bönni' rbizzjnë', o bönni' rzë ládxi'zë' dumí. <sup>8</sup>Ral-la' gu'ë ga la'cu'ë bóchi'ru' ta'dxinë' lidxë'. Ral-la' së ladxë'ë gunë' le nac dxi'a. Ral-la' gaquë' bönni' rejni'li len bönni' tsahui'. Ral-la' gádxinë' Dios, len gna be'li cuinë'. <sup>9</sup>Ral-la' gun chi'ë didza' gdutë li ca chnazëdë', quië gac uchizië' icj naggac bunách ca rajlóz zxba dxi'a len quië gac useyjë' rú'agac bunách ta'në' qui. <sup>10</sup>Cni ral-la' gaquë' le ta'dá'baguë'ë zian bönni' len tu'ë didza' cuzaca' len ta'zí' yé'inë' bunách. Zian bönni' tunë' cni nacquë' judío. <sup>11</sup>Yugu' bönni' ni,

run bayúdx gunu' ga tseyj rú'acquè', le tunè' ga ta'chixi ta'nigui yúgu'tè bunách nacuá' yu'u gap ta'yaziè', len tu'sèdnè' le cural-la' lusèdnè'. Cni tunè' quiè la'zizè' dumí.

<sup>12</sup>Tuè' bönni' gbabè' bunách Creta ga na' zu', bönni' na' bē'è didza' uláz qui gdau' quequè', gnè': "Ta'zì' yé'teczè' bönni' Creta, len nacquè' ca böa' guixi' snia'. Nacquè' bönni' huágul'è zxhuèd." <sup>13</sup>Didza' ni benè' lna' lau quequè' nac gdu'tè li. Qui lè ni na' gdil-l lequè' quiè gac gdu ca ta'yejlè'è Cristo, <sup>14</sup>len cui luzé nagquè' yugu' didza' rdaz quequè' bönni' judío, len cutu lunè' ca ta'ná bē' bunách nuca'ngac le nac gdu'tè li.

<sup>15</sup>Yúgu'tè nac dxi'a quegac nup nacgac dxi'a, san quegac nup nacgac xöhui' len cuta'yejlè', cutu bi nac dxi'a, san nacquè' xöhui' ga rdxintè le ta'bequi icjqüè' len le ta'zá' ládxi'què'. <sup>16</sup>Ta'né' núnbè'què' Dios, san le tunè' cutu rajlóz le ta'né', le nacquè' bönni' cuta'dzág ládxi'què'. Cutu tunè' ca ta'né', len cutu gac lunè' nitú le nac dxi'a.

### Zxba dxi'a ral-la' usédiru'

**2** Na'a, ral-la' gu'u didza' le rajlóz zxba dxi'a.

<sup>2</sup>Bsèdi bönni' gul cui li'jè', san lacquè' ba'a ladxi', len bönni' ta'yejni'i. Ral-la' gac gdu ca ta'yejlè'è Cristo. Ral-la' la'dxi'inè' lza'què' len la'bözè' zxön ladxi'.

<sup>3</sup>Bsèdi ndau' gul lunnu le rdazg ladxè'è Dios len cui la'nènu qui lza'cnu, len cui lí'ajnu. Ral-la' lusédinu le nac dxi'a, <sup>4</sup>quiè gac lusédinu ngul ni' yu'ucnu iz cuidi' quiè la'dxi'inu bönni' qui queècnu,

lenca' zxi'ncnu. <sup>5</sup>Ral-la' lacnu ngul ta'yejni'i len ngul dxi'a ladxi'. Ral-la' lun chi'inu le dè lidxcnu len lacnu dxi'a, len lunnu ba la'n bönni' qui queècnu, len cutu bi lunnu le güi' latj nu gnè zi' qui xtidzè'è Dios.

<sup>6</sup>Bsèdi bönni' ni' nacu'è iz cuidi' quiè lacquè' bönni' ta'yejni'i.

<sup>7</sup>Ral-la' gúnteczu' le nac dxi'a, ului'inu' lequè' cni ca ral-la' lunè'. Ca rusèdnu' ral-la' uluí' nacu' gdu ladxi' len ba'a ladxi'. <sup>8</sup>Ral-la' usèdnu' didza' dxi'a le cugác nu bi gnè qui, quiè utui'nè' bönni' rdá'baguè'è, len cugác bi gnè' queèli' le cunác.

<sup>9</sup>Bsèdi bóchi'ru' ni' ta'yejlè'è Cristo len nadá'uquè', quiè la'cu'è nōxj lauquè' xanquè'. Ral-la' lunè' yúgu'tè le la'dzág ládxi'què' xanquè', len cutu lusáqui'nè' didza'. <sup>10</sup>Cutu ral-la' lucachi' lanè', san ral-la' luluí' cuinquè' tsahui' ca nac yúgu'tè le tunè'. Yúgu'tè le tunè' ral-la' uluí' nac dxi'a zxba queè' Dios, Nu buslá rè'u.

<sup>11</sup>Bönni' na' buzá' ladxè'è queèru' Dios chbuluí' lahuè' laugac yúgu'tè bunách quiè lulá. <sup>12</sup>Lè' rusèdnè' rè'u uca'nru' le curdzág ladxè'è Dios len cui sè ládxi'ru' le nac qui yödzyú ni, san cözru' zxön ladxi' len gacru' tsahui' dza ni zoaru' na'a, len gunru' ca rè'ncznè' Dios. <sup>13</sup>Ral-la' cözru' le runru' löz le gun ga gacru' bica' ba, lè na' gac dza ni' cati' uluí' lahuè' Jesucristo lu yení' gdu queè', naquè' Dios zxön, Nu ruslá rè'u. <sup>14</sup>Lèczè' budód cuinè' uláz queèru', quiè böa'uè' rè'u lu yúgu'tè le nac xöhui', ati' ruúnè' rè'u dxi'a quiè gacru' bunách queè' len güi' ládxi'ru' gunru' le nac dxi'a.

<sup>15</sup>Yugu' lë ni bë' didza' len bchiz icj naggac bunách ni', ati' len yöl-la' uná bë' gdil-l lequë'. Bentez cni, cui si' latj nu ucán ca'z xtidzu'u.

**Le ral-la' lun bunách ta'yejlë' Cristo**

**3** Bsa' ládxi'quë' bóchi'ru' ni' lunë' ca ta'né' bönni' dë lu na'quë' len yugu' bönni' yúlahui', quië lunë' ca rna xtídza'quë'. Ral-la' la'cu'ë sina' lunë' le nac dxi'a. <sup>2</sup>Cutu bi le cunác ral-la' la'né' qui lza'quë', len cutu la'díl-lenë' lequë' didza', san ral-la' lacquë' nöxj ladxi' len gdu ladxi' laugac yúgu'të bunách.

<sup>3</sup>Lëzca' rë'u, zi'al gucru' bönni' cuta'yejni'i len gdá'baga'ru' Dios. Gdaru' nanitru' len gucru' ca bönni' nadá'ugac, benru' le gzë ládxi'ru' le cunác len yela'gac le bdzag ládxi'ru'. Benru' ca' le cunác len buzxé'iru' lza'ru'. Cutu gulale'i rë'u dxi'a bunách, ati' rë'u cutu blé'iru' dxi'a lza'ru' turu' yeturu'. <sup>4</sup>Ni'r bulu'ë lahui Dios, Nu ruslá rë'u, le nac bë' naquë' gdu dxi'a len nadxi'inë' yúgu'të bunách, <sup>5</sup>le buslé' rë'u, clëg le zoa bi le nac dxi'a benru' rë'u, san le buechi' ladxë'ë rë'u. Bunë' rë'u dxi'a len benë' ga nacru' bunách cub. Dios Bö' La'y bucubë' rë'u. <sup>6</sup>Dios bsölë'ë queëru' Dios Bö' La'y le náquiru' queë' Jesucristo Nu ruslá rë'u. <sup>7</sup>Buzá' ladxë'ë queëru' len bunë' rë'u tsahui' quië gata' queëru' yöl-la' na'bán gdu, le runru' löz gunnë' queëru'.

<sup>8</sup>Didza' gdu'të li lë ni nuzuja' lu guich. Rë'nda' usédtsquinu' bunách ni' yugu' lë ni quië lui' ládxi'quë' lúnteczë' le nac dxi'a bönni' ni'

ta'yejlë'ë Dios. Lë ni nac dxi'a len nactsca lsaca' la'zí' lu na'gac yúgu'të bunách. <sup>9</sup>Na'a, cutu gu'u latj nu güi' didza' cuzaca', o nu güi' ladxi' ca nacgac lagac ziantër cö' xuz xtau'gac bunách, o nu tsjitsa' yugu' didza' bizxj, len yugu' le rdil-didza' ca nac qui zxba queë' Moisés, le cutu bi záca'gac yugu' le cni, ati' nutu nu uzí' xbey didza' cni.

<sup>10</sup>Chqui' zoa ni' bönni' rubijë' chopl bunách queë' Cristo, töd usa'u ladxë'ë tu yetú lzu, bubijë' bönni' na'. <sup>11</sup>Nözcnu' chböaquë' bönni' cunác tsahui' bönni' cni, len runë' dul-la'. Chnabaguë'ë zxguia' ni'a qui lë na' runë'.

**Le buzujë' lu guich Pablo gunbi' bi'i Tito**

<sup>12</sup>Cati' gsöla'a-në' quiu' Artemas o Tíquico, bë' ladxu'u guidu' ga ni zoa' lu yödZ Nicópolis, le chnuna' quia' uga'na' ni yugu' beo' ziaq. <sup>13</sup>Zenas, bönni' na' rudödë' didza' ca rna bë' zxba qui yúlahui', lenca' Apolos, la'dxinë' ga ni' zoali'. Bugú'u lequë' nöz lu yöl-la' raclen, cui bi yadzj quequë'. <sup>14</sup>Bsëdi böchi' lza'ru' lúnteczë' le nac dxi'a, bi lunödZjë' quegac nup bi ryadzj quegac, quië gac bë' cni le nacquë' queë' Cristo.

**Pablo rugapë' Dios bunách queë' Cristo**

<sup>15</sup>Tu'gáp Dios li' yúgu'të nup nacua'len neda'. Bgap Dios nup ni' nadxi'igac rë'u le ta'yejlë' Dios. Le ruzá' ladxë'ë queëru' Dios gaclen yúgu'tëli'. Ca' gac.